

# ملخص منازل السائرين

منزلة اليقظة

ابو مراره



abomrarh@gmail.com

## مقدمة

الحمد لله رب العالمين الحمد لله الذي هدانا للايمان الحمد لله الذي بنعمته تتم الصالحات واشهد ان لا اله الا الله وحده لا شريك له واشهد ان محمدا عبده ورسوله اما بعد فان الملخص الذي بين ايديكم ما هو الا عمل يسير قصدت فيه مراجعةُ كُتاب منازل السائرين للإمام الهروي وكانت منهجيتي في العمل على الخطوة التالية :

- 1- اعتمدت على الكتاب الاصيل وهو منازل السائرين للإمام الهروي
- 2- استعنت بكتاب مدارج السالكين لابن القيم وشرحه للمنازل مع مراعاة ترتيب المنازل على ما اختاره ابن القيم، لا على ترتيب الهروي
- 3- استعنت ببعض الشروح لشرح المصطلحات والمعاني، مثل صيد الخاطر لابن الجوزي وغيره
- 4- أفدتُ من الشروح المقدمة من فضيلة الشيخ المربي محمد حسين يعقوب حفظه الله، من خلال دروسه المرئية التي تجاوزت (500) خمسمائة حلقة، وقد تصرفْتُ فيها تصرفاً يسيراً
- 5- احتفظت بأصل النصوص المنقولة عن كل مصدر، وإدراجها باللون الاحمر مع الإشارة إليها في الحواشي السفلية واسنادها الى صاحبها؛ حتى يتيسر للقارئ معرفة النص الأصلي لصاحبه
- 6- اضطررتُ بعد ذلك إلى استخدام اللهجة العامية المصرية في الشرح والتعقيب والتحليل، وإني أعلم أن هذا قد يُعدّ إخلالاً بالمنهج الشرعي في التأليف، ولكني لا أدعي أن هذا عملٌ شرعيٌّ أو علميٌّ بالمعنى الاصطلاحي، إنما هو تسهيل وتيسير لمدارج السالكين، ليكون قريباً من فهم البسطاء والعوام من الناس الذين قد لا يستوعبون العربية الفصحى وألفاظها الدقيقة رجاء النفع والتذكير
- 7- جعلت الملخص على اجزاء وكل جزء يشتمل على منزلة واحدة فقط
- 8- تخرج الايات القرآنية في الحواشي السفلية
- 9- تخرج الاحاديث النبوية في الحواشي السفلية
- 10- تخرج اقوال الصحابة او التابعين ان وجدت في الحواشي السفلية
- 11- عمل فهرس شامل لمحتويات الملخص

اسأل الله العلي العظيم ان يتقبل عملي ويجعله خالصاً لوجه وحده لا شريك له والا يجعل لاحد فيه شيئاً كما اسأله التوفيق والسداد وارجو ممن وجد خطأ او خلافاً فيما كتبت ان يصلحه وينبه عليه وان يرأسني عبر وسائل الاتصال المرفقة لاقوم بتصحيحه ما استطعت وجعلت حقوق الطبع والنشر مرفوعة ومتاحة للجميع.

كتبه

ابو مرارة

## تبسيط المنازل

المنازل كما اسردها الامام الهروي مائة منزلة كما قال في كتابه **فجعلته مائة مقام مقسوم على عشرة اقسام.** <sup>(1)</sup> ثم جعل تحت كل منزلة ثلاث درجات وتحت كل درجة ثلاث مراتب وفي بعض المنازل قد تزيد عن الثلاث

### ترتيب المنازل عند الهروي

قال الهروي واعلم ان الاقسام العشرة التي ذكرتها في صدر هذا الكتاب هي : قسم البدايات ثم قسم الاخلاق ثم قسم الابواب ... الخ. <sup>(2)</sup> على النحو التالي

#### قسم البدايات

( اليقظة - التوبة - المحاسبة - الانابة - التفكير - التذكر - الاعتصام - الفرار - الرياضة - السماع )

#### قسم الابواب

( الحزن - الخوف - الاشفاق - الخشوع - الاخبات - الزهد - الورع - التبتل - الرجاء - الرغبة )

#### قسم المعاملات

( الرعاية - المراقبة - الحرمة - الاخلاص - التهذيب - الاستقامة - التوكل - التفويض - الثقة - التسليم )

#### قسم الاخلاق

( الصبر - الرضى - الشكر - الحياء - الصدق - الايثار - الخلق - التواضع - الفتوة - الانبساط )

#### قسم الاصول

( القصد - العزم - الارادة - الادب - اليقين - الانس - الذكر - الفقر - الغنى - مقام المراد )

#### قسم الادوية

( الاحسان - العلم - الحكمة - البصيرة - الفراسة - التعظيم - الالهام - السكينة - الطمانينة - الهمة )

#### قسم الاحوال

( المحبة - الغيرة - الشوق - القلق - العطش - الوجد - الدهش - الهيمن - البرق - الذوق )

(1) الهروي منازل السائرين  
(2) الهروي منازل السائرين

## قسم الولايات

( اللحظة - الوقت - الصفاء - السرور - السر - النفس - الغربة - الغرق - الغيبة - التمكن )

## قسم الحقائق

( المكاشفة - المشاهدة - المعاينة - الحياة - القبض - البسط - السكر - الصحو - الاتصال - الانفصال )

## قسم النهايات

( المعرفة - الفناء - البقاء - التحقيق - التلبيس - الوجود - التجريد - التفريد - الجمع - التوحيد )

## ترتيب المنازل عند ابن القيم

اما ابن القيم فقد ألف كتابه مدارج السالكين واورد فيه نفس المنازل لكنه خالف الهروي في ترتيب المنازل المذكورة واعاد ترتيبها وعلق بالشرح عليها ولبيان ما اقره من المنازل وما اهمله منها وما خالفه فيها وعلة اعادة ترتيب المنازل يرجى مراجعة نسخة مدارج السالكين بتحقيق كلا من محمد اجمل الاصلاحى وتخرج سراج منير محمد منير والتي خرجت وفق المنهج المعتمد من الشيخ العلامة بكر بن عبد الله ابو زيد تحت اسم **مشروع اثار ابن قيم الجوزية وما لحقها من اعمال رقم 31 من مطبوعات المجمع . (1)**

وتراجع في النسخه المشار اليها سابقا الفصول التالية :

1- موضوع الكتاب وترتيب مباحثه

2- منهج المؤلف فيه

3- مقارنة الكتاب باهم شروح المنازل

4- تعليقات ابن القيم على الهروى

غير ان ابن القيم لم يقم بترتيب منازل السائرين كلها من اولها لآخرها وانما قد يقدم منزلة على اخرى ويؤخر منزلة عن اخرى وله في ذلك منهجية وفق الكتاب والسنة لكنى لكنى وقفت على بعض المحاولات لمجموعة من العلماء الذين حاولوا استقراء واستنباط ترتيب المنازل بفكر ابن القيم ولا ادرك صحة ذلك من عدمه حتى الان ومنهم :

الشيخ عبد العزيز بن ناصر الجليل في كتابه الطريق الى الله كما رسمه بن القيم في مدارج السالكين

الدكتور محمد بن عبد الرحمن العريفي في بحثه منازل السائرين بين الهروى وابن القيم

الدكتور عبد الرحمن المحمود في كتابه مناهج السلوك الى الله عند ابن تيميه وابن القيم

الشيخ محمد بن سعيد القحطاني في كتابه العبودية لله في ضوء مدارج السالكين

غير انني لم اصل الى اي كتاب من هذه الكتب الاربعة السابقة ولم استطع ان اتحصل عليها ماعدا اشارة العلامة بكر بن عبد الله ابو زيد في كتاب مدارج السالكين عن ترتيب المنازل وهي اشارته مفيدة جدا غير انها لا تحتوي على ترتيب كامل للمنازل وفقا لمنهج ابن القيم فان توصلت لشيء من ذلك قطعاً وبقينا استدركته واشرت اليه في الاجزاء القادمة باذن الله تعالى.

(1) اثار الامام ابن قيم الجوزية وما لحقها من اعمال

## مراجعة منازل السائرين

### المنزلة الاولى [ منزلة اليقظة ]

لحظ القلب الى النعمة ( الدرجة الاولى ) . (1)

✓ الالاس من عدها

✓ الوقوف علي حدها

✓ التفرغ الى معرفة المنة بها

✓ العلم بالتقصير في حقها

مطالعة الجناية ( الدرجة الثانية ) . (2)

✓ الوقوف علي الخطر فيها

✓ التشمير لتداركها

✓ التخلص من ربقتها

✓ طلب النجاة بتمحيصها

الانتباه لمعرفة الزيادة والنقصان من الايام ( الدرجة الثالثة ) . (3)

✓ التنصل عن تضيعها

✓ النظر الى الضن بها

✓ تدارك فائتها

✓ يعمر باقيها

اليقظة من سنة الغفلة والنهوض من ورطة الفترة وهي اول ما يستنير قلب العبد بالحياة لرؤية نور التنبية (4)

اليقظة انزعاج القلب لروعة الانتباه من رقدة الغافلين (5)

انزعاج القلب يعني قلبك ينزعج يعني يتخض يتفزع (6)

---

(1) الهروى منازل السائرين

(2) الهروى منازل السائرين

(3) الهروى منازل السائرين

(4) الهروى منازل السائرين

(5) ابن القيم مدارج السالكين

(6) محمد حسين يعقوب مراجعة منزلة اليقظة

وده ممكن يحصل ازاى ؟ يحصل بالمواقف اللى ربنا يحطك فيها زي مثلاً عيل من عيالك يمرض مرض خطير سرطان او غيره. انك تترقد من شغلك اللى مستقر فيه ليك سنين طويلة. انك تترط في جريمة ظلم وتسجن. موت اقرب الناس ليك الداعمين ليك في حياتك ابوك او امك. انك تخسر فلوسك واملاكك كلها وتفلس تماماً. المواقف اللى زي كده بتعمل لقلبك خضه رجفه فزعه. هو ده انزعاج القلب.

لما قلبك يتخض بتصحى فاجاه واول ما تصحى بتقول يارب وتبدأ لاول مرحلة تخش منزلة اليقظة اللى بتحصل لكل الناس ووده اول الطريق في السير الي الله عز وجل لكن السؤال ؟ هل كل الناس بتدخل المنزلة دي وردود افعالهم واحده ؟ اكيد لا طبعاً.

في النقطة دي يفيدك جداً كلام ابن الجوزي عن المتيقظون يقول ايه ؟

ثم ينقسم المتيقظون :فمنهم: من يغلبه هواه، ويقتضيه طبعه ما يشتهى مما قد اعتاده، فيعود القهقهري، ولا ينفعه ما حصل له من الانتباه، فانتباه مثل هذا زيادة في الحجة عليه، ومنهم: من هو واقف في مقام المجاهدة بين صفين: العقل الأمر بالتقوى، والهوى المتقاضى بالشهوات، فمنهم: من يغلب بعد المجاهدات الطويلة، فيعود إلى الشر، ويختم له به، ومنهم: من يغلب تارة، ويغلب أخرى، فجراحاته لا في مقتل. ومنهم: من يقهر عدوه، فيسجنه في حبس؛ فلا يبقى للعدو من الحيلة إلا الوسواس. ومن الصفوة أقوام، مذ تيقظوا ما ناموا، ومذ سلكوا ما وقفوا، فهمهم صعود وترقى، كلها عبروا مقاماً إلى مقام، رأوا نقص ما كانوا فيه، فاستغفروا، ومنهم: من يرقى عن الاحتياج إلى مجاهدة: إما لخسة ما يدعو إليه الطبع عنده، ولا وقع له، وإما لشرف مطلوبه، فلا يلتفت إلى عائق عنه (1)

يعني ايه الكلام ده ؟ بص في كل كلمة تحتها خط واقرا تاني ده حال المتيقظين

اول صنف المتقهقر :

ده واحد حصلته المصيبة وحصله انزعاج القلب وبعد كده نام علطول. واحد مسافر في ميكروباس عمل حادثه منهم ناس ماتت معاه وهو رجع مخضوض يومين تلاته في المستشفى وخرج اسبوع اسبوعين شهر شهر ونص وبعدين ؟ نسي الموضوع كله ويرجع للذنوب والمعاصي عادي. (2)

ثاني صنف واقف في مقام المجاهدة :

ده واحد مذبذب واقف بين صفين العقل والهوى. بعد الانزعاج يلاقي نفسه ها ؟ عين في الجنة وعين في النار ! عايز يتوب وعايز يرجع تاني يقابل البنت اللى كان يقابلها ! يدخل على المواقع الاباحية يسرق الفلوس اللى كان ييسرقها كل ده بيشده لورا ! وعقله بيقوله ده ربنا اللى نجاك ! اتقي الله خاف من ربنا ! احسن يدك علي دماغك تاني وهو بين الاثنين ! اهو اللى واقف ده بين الصفين دول بينقسموا لhaltين :

(1) ابن الجوزي صيد الخاطر

(2) محمد حسين يعقوب مراجعة منزلة اليقظة

الحالة الاولى: واحد تغلبه شهواته ومعاصيه وذذبته دي لحد ما في الاخر يتغلب خالص ويموت موتة سيئة جدا ويختم له بسوء الخاتمة طب ليه ؟ لان ربنا حذره وهو مذبذب مش راضي يستقيم بالنيه من جواه وربنا اداله فرصه وهو فهم الفرصه اصلا فده كده عناد. (1)

الحالة الثانية: واحد شوية يغلب وشوية يتغلب رايح جاي شوية يكسب وشوية يفوز واهو عايش في الجهاد ده وجراحاته لا في مقتل يعني مما تش لسه  
ثالث صنف من يقهر عدوه:

ده واحد قدر يغلب عدوه وصحي وبقي قوي بس ده بردو يبنقسموا لثلاث حالات

الحالة الاولى: واحد يغلب عدوه ويسجنه ويحبسه وميقدرش يعمل حاجه فاخره معاه انه يوسوسله شوية من فترة للتانيه ياخده علي غفله

الحالة الثانية: واحد من ساعة ما تيقظ وصحي منمش تاني ابدأ ودول اسمهم الصفوة الخالص من الاخر بطولوا يناموا ومشوا في الطريق موقفوش ابدأ كل شوية يطلعوا درجات فوق وفوق وفوق.

الحالة الثالثة: ده واحد اعلى من الصفوة من ساعة ما تيقظ وصحي وهو طالع في درجات لفوق اوي علشان كده يقول عليه يرقى عن الاحتياج لمجاهدة مش محتاج اصلا مش يبجاهد هو خلاص بقي سلس مرن في طريق الطاعة طب ليه ؟ لخسة ما يدعو اليه الطبع عنده او لشرف مطلوبه فلا يلتفت الى عائق عنه ! وده فوق الصفوة لان ده واحد ادرك ان المعاصي والذنوب والخطايا فيها خسة ! فيها نجاسة مش اشراف الناس زي ما قال قائل اذا سقط الذباب علي طعام رفعت يدي ونفسي تشتهيه ... وتجنب الاسود ورود ماء اذا كان الكلاب ولغن فيه. (2)

المطلوب : شوف نفسك بقي انت لما بتنزع وقلبك بيتخص لما تنزل بيك مصيبة وبتصحي بتكون في انهي حاله من الحالات الي فاتت دي ؟ انت مين في دول ؟

اذا تيقظت اول حاجه بتحصلك جوه اليقظة ثلاث درجات زي ما قولنا ان المنزل الواحد بتكون من ثلاث درجات وممكن اكثر.

(1) محمد حسين يعقوب مراجعة منزلة اليقظة  
(2) محمد حسين يعقوب مراجعة منزلة اليقظة



## الدرجة الاولى : لحظ القلب الى النعمة

يعني ايه ؟ يبدأ القلب يشوف نعم ربنا عليه ودي اول حاجه بتحصل فيك

### المرتبة الاولى : الاياس من عدها

يعني ايه ؟ يعني تيأس من انك تعد نعم ربنا الي عليك عد كده معايا ؟ نعمة الصحة نعمة الايدين نعمة العين نعمة السمع نعمة الاصابع نعمة الهداية نعمة الامهال ان ربنا كان صابر عليك طول الفترة الي فاتت قبل ما يعملك انزعاج للقلب نعمة انه سبيلك اسباب الهداية اصلا

قال تعالي (وَإِنْ تَعُدُّوا نِعْمَةَ اللَّهِ لَا تُحْصُوهَا إِنَّ اللَّهَ لَغَفُورٌ رَحِيمٌ). (1)

### المرتبة الثانية : الوقوف علي حدها

يعني مش هتعرف توصفها ! اوصف كده اي نعمة متعرفش .

### المرتبة الثالثة : التفرغ الى معرفة المنة بها

يعني ان النعم دي بدون مقابل انت واخذ النعم دي ببلاش ! فكر فيها كده ؟ دفعت كام علشان تاخذ كبد سليم ؟ دفعت كام علشان تاخذ قلب سليم ؟ كلية سليمة ؟ هو اداك اعضاء جسمك شغالين سلام من الاول ودي اسمها النعم السالبة انت مدفعتش تمنها اصلا ! في حين لما بتبوظ منك شوف تمن الكلية النهاردة بكام علشان بس تركبها عندك ولا تعمل غسيل كلوي ! في حين انك اصلا كنت واخذها شغاله وسليمه ببلاش مدفعتش جنيه واحد تبقي منة ولا مش منة ؟

### المرتبة الرابعة : العلم بالتقصير في حقها

ان ربنا سبحانه وتعالى اداك كل النعم دي ببلاش فتعتقد يقينا انها كتيره جدا عليك وانك فعلا مقصر في شكر نعمته ونعمه الكثيره زي ما قال ابن القيم ومن لطائف التعبد بالنعم ان يستكثر قليلها عليه. (2)

(1) قران كريم سورة النحل الاية 18

(2) ابن القيم الفوائد

كده خلصت الدرجة الاولى بالمراتب بتاعتها احفظها كويس واكتبها وطبقها علي نفسك بعد كده بيقول الامام الهروي كلام في غاية الاهمية وهو ان معرفة المنة تصفو بثلاثة اشياء يعني ايه ده ؟ بعد ما يخلص الدرجة بيبدأ يقول ازاى تحقق الدرجة دي ؟ ازاى انفذها على الواقع ؟ ازاى اطبقها ؟ ودي من اهم الحاجات اللي تساعدك في الطريق واللي هنسميها تحقيق الدرجة والمراتب

### تحقيق الدرجة الاولى

**معرفة المنة تصفو بثلاثة اشياء (1)** يعني ايه ؟ ممكن الواحد يعرف النعمة بس معرفته بالنعمة يكرها ان في ناس عندهم نعم اكر منه ! صح كده ؟

يعني تقوله احمد ربنا علي عينيك يقولك ده انا لابس نضاره ! تقوله احمد ربنا علي الفلوس اللي معاك ياما ناس معاها ملايين ! اهو ده انسان مش هتصفاله النعمة ابداء طيب ازاى اصفى النعمة ؟

### **تصفو بثلاثة اشياء (2)**

✓ نور العقل

✓ شيم برق المنة

✓ الاعتبار بأهل البلاء

### نور العقل :

افهم ان النعم اللي انت فيها دي انت متستاهلهاش فمتبصش لغيرك لانك مش عارف اللي معاه نعمة تانيه غيرك ده وراها عذاب قد ايه فاستمتع بنعم ربنا اللي عليك وبس متبصش لغيرك ليه مش مستمتع بنعم ربنا اللي عليك ؟! السجود نعمة القران سماعا وتلاوة نعمة ليه مش مستمتع بدول ؟ زوجتك بيتك اولادك ابوك امك نعمة انت اللي بتقلها عذاب علي نفسك وده السبب

### شيم برق المنة :

شيم يعني تلهج. العلماء يقولوا اذا رضى الله عن عبد اراه رضاه عليه يبقي لما يرضى عنك هيوريك ولما تلهج رضاه هتشوفه.

### الاعتبار بأهل البلاء :

لو مش عاجبك النعم اللي انت فيها روح معهد الاورام شوف الناس المريضة بالسرطان روح معهد الصم والبكم زور عنبر الحرائق علشان تشوف نعم ربنا اللي ادهالك وحرمت منها غيرها

(1) الهروي منازل السائرين

(2) الهروي منازل السائرين

متنجاه ذنوبك ومعاصيك القديمة قال الله تعالى (وَمَنْ أَظْلَمُ مِمَّنْ ذُكِّرَ بِآيَاتِ رَبِّهِ فَأَعْرَضَ عَنْهَا وَنَسِيَ مَا قَدَّمَتْ يَدَاهُ) . (1)

اخطر حاجه انك تنسى ذنوبك وخطاياك مشكلة كبيرة جدا

### المرتبة الاولى : الوقوف على الخطر فيها

المعاصي خطر واخطر حاجه في المعاصي انك بتحارب ربنا سبحانه وتعالى. ربنا قالك متعصينيش لو عصيتني هعذبك قال تعالى (مَنْ يَعْمَلْ سُوءًا يُجْزَ بِهِ وَلَا يَجِدْ لَهُ مِنْ دُونِ اللَّهِ وَلِيًّا وَلَا نَصِيرًا) . (2)

هتغلط هتتضرب هتتعاقب لان في بعض الناس فاهمين كلام ربنا غلط يقولوا لا اصله قال (قُلْ يَا عِبَادِيَ الَّذِينَ أَسْرَفُوا عَلَى أَنْفُسِهِمْ لَا تَقْنَطُوا مِنْ رَحْمَةِ اللَّهِ إِنَّ اللَّهَ يَغْفِرُ الذُّنُوبَ جَمِيعًا إِنَّهُ هُوَ الْغَفُورُ الرَّحِيمُ) . (3) كأنه فاهم منها ان ربنا يقول اعصيني وانا اغفرلك ! لا ! ربنا قالك متعصينيش لو عصيتني هعذبك بس لو توبت هغفرلك فالاصل انك متعصيش وانك لو عصيت هتتعاقب يعني هتتعاقب وده الاصل قولي خلاص هعصي واتوب ؟! ومين يضمنلك انك تيوب ؟ او تلحق تيوب ؟ او حتي لو توبت تقبل توبتك اصلا ؟! تقولي يعني ممكن واحد

يعصي وربنا ميقلش توبته ! اقولك ايوه طب ايه الدليل ؟!

قال تعالى (إِنَّمَا التَّوْبَةُ عَلَى اللَّهِ لِلَّذِينَ يَعْمَلُونَ السُّوءَ بِجَهَالَةٍ ثُمَّ يَتُوبُونَ مِنْ قَرِيبٍ فَأُولَئِكَ يَتُوبُ اللَّهُ عَلَيْهِمْ وَكَانَ اللَّهُ عَلِيمًا حَكِيمًا) . (4)

يبقي هنا التوبة اللي بيعملوا السيئات ويرتكبوا الذنوب بجهاله وبجهاله يعني مش عارفين مش فاهمين وحتى لو فاهم وعارف لكن في شرط اساسي في الايه ان ربنا قال يتوبون من قريب يعني بسره يقيموا يتوبوا مش متعمدين ولا مصرين على الذنوب عناد وبس ! ركز كويس وقال تعالى (وَلَيْسَتِ التَّوْبَةُ لِلَّذِينَ يَعْمَلُونَ السَّيِّئَاتِ حَتَّى إِذَا حَضَرَ أَحَدَهُمُ الْمَوْتُ قَالَ إِنِّي تُبْتُ الْآنَ) . (5)

شوف ربنا هنا قال ايه ؟ يقولك ان اللي بيعملوا السيئات ومستهزئين لحد اخر عمرهم دول ملهمش توبه مقبولة اصلا حاطط في مخه انه يتوب لما يموت مش دلوقتي ولا من قريب ! وقال تعالى (وَالَّذِينَ يَمْكُرُونَ السَّيِّئَاتِ لَهُمْ عَذَابٌ شَدِيدٌ) . (6) شوف مكر السيئات هيوديك في داهيه. يبقي في فرق بين اللي بيتوب بسره وبين اللي بييمكر السيئات بين اللي بيتوب بسره وبين اللي متعمد يتوب لما يفرجها ربنا لما يجي يموت !

(1) قران كريم سورة الكهف الاية 57

(2) قران كريم سورة النساء الاية 123

(3) قران كريم سورة الزمر الاية 53

(4) قران كريم سورة النساء الاية 17

(5) قران كريم سورة النساء الاية 18

(6) قران كريم سورة فاطر الاية 10

### المرتبة الثانية : التشمير لتداركها

من معناها شمر بسرعه والحق اعمل صالحات تحو السيئات اللي عملتها

### المرتبة الثالثة : التخلص من ربقها

متخلّش الذنب والمعصية خندق يحاصرک الشيطان فيه . (1)

متخلّش في تعلق القلب بالذنب . (2)

### المرتبة الرابعة : طلب النجاة بتمحيصها

انك تطلب النجاة من الذنب بتمحيص الذنب وتمحيص الذنب بعشر حاجات مقسمين

في الدنيا التوبة والاستغفار وعمل الحسنات الماحية والمصائب المكفرة وصلاة اهل الايمان عليه ودعائهم له

وهداياهم اليه (3)

في القبر الضمة والفتان وعذاب القبر (4)

اذا كان كذلك يلقي الله وقد غفر له ذنبه محصلش يبقي يلقي الله بذنبه

---

(1) محمد حسين يعقوب مراجعة منزلة البقطة

(2) محمد حسين يعقوب مراجعة منزلة البقطة

(3) محمد حسين يعقوب مراجعة منزلة البقطة

(4) محمد حسين يعقوب مراجعة منزلة البقطة

الامام الهروى يقول

واما مطالعة الجنايا فانها تصح بثلاثة اشياء : . (1)

✓ تعظيم الحق

✓ معرفة النفس

✓ تصديق الوعيد

تعظيم الحق :

لازم تعظم حق ربنا عليك وتوب واستغفر

معرفة النفس:

اعرف نفسك ان نفسك ضعيفه فخص نفسك مترجعش

تصديق الوعيد:

ان ربنا وعدك على الذنب الفلاني بالعقوبة الفلانية يبقي صدق ربنا

### الدرجة الثالثة : الانتباه لمعرفة الزيادة والنقصان في الايام

لازم تعرف ان العمر يمر والايام بتخلص هتموت وهتقابل ربنا لازم هتموت امتي ؟ الله اعلم

#### المرتبة الاولى : التنصل عن تضيعها

مفيش وقت تضيعه كفاية كده بتقعد على التليفون والكمبيوتر والماتش ساعة واثنين وتلاته ! ونقولك اقرا جزء قران  
تقول مفيش وقت اجيب منين وقت

#### المرتبة الثانية : النظر الى الضن بها

الضن بها يعني ابخل بها يعني ابخل بوقتك علي كل حاجه وكل حد حواليك يدوبك تخلص اللي وراك

#### المرتبة الثالثة : تدارك فاتها

عوض اللي فاتك انت ضيعت من عمرك كتير في الهلس فيدوبك تلحق تعوض

#### المرتبة الرابعة : تعمير باقيها

يعني اللي فاضل في عمرك عمره بالطاعة بقي لانك كمان متعرفش اللي فاضل كتير ولا قليل

### تحقيق الدرجة الثالثة :

واما معرفة الزيادة والنقصان في الايام فانها تستقيم بثلاثة اشياء .: (1)

- ✓ سماع العلم
- ✓ اجابة دواعي الحرمة
- ✓ صحبة الصالحين

### سماع العلم:

اتعلم اعرف دينك اعرف ربنا سبحانه وتعالى اتعلم قران اتعلم فقه اتعلم اصول الدين

### اجابة دواعي الحرمة :

قال تعالى (ذَلِكَ وَمَنْ يُعِظْ حُرْمَاتِ اللَّهِ فَهُوَ خَيْرٌ لَهُ عِنْدَ رَبِّهِ) . (2)

### صحابه الصالحين:

اتعرف علي الصالحين وصحبة الصالحين والجلوس مع الصالحين ومعرفة سيرة الصالحين واستجلاب دعاء الصالحين  
واتباع طريقة الصالحين في الحياة الذين يتبعون النبي محمد صلى الله عليه وسلم

---

(1) منازل السائرين الهروي  
(2) قران كريم سورة الحج الآية 30

وملاك ذلك كله خلع العادات. (1)

يعني ايه ؟ جملة خطيره جدا ! بعد كل اللي فات ده بكل الدرجات دي والمراتب دي. الامام الهروي يقول ان خلاصة كل اللي فات ده تحققه ازاي ( خلع العادات ) انك تنخلع من عاداتك ! اصل انا عادي اكل الساعه كذا عادي اشرب قهوة الصبح عادي انام الساعه كذا عادي اخرج بليل عادي بتكلم كثير مفيش عادي دي.

خلع العادات يعني متبقاش ليك عاده وانما ليك عبادة . (2)

تنخلع من عاداتك والزم عباداتك. (3)

ثبت العبادات لحد ما تتحول العبادات نفسها لعادات فتبقي العادات بتاعتك كلها عبادات فقط لا غير

---

(1) منازل السائرين الهروي

(2) محمد حسين يعقوب مراجعة منزلة اليقظة

(3) محمد حسين يعقوب مراجعة منزلة اليقظة



## فهرس الموضوعات

1	مقدمة
2	تبسيط المنازل
2	ترتيب المنازل عند الهروى
4	ترتيب المنازل عند ابن القيم
5	مراجعة منازل السائرين
5	المنزلة الاولى [ منزلة اليقظة ]
8	الدرجة الاولى : لحظ القلب الى النعمة
8	المرتبة الاولى : الاياس من عدها
8	المرتبة الثانية : الوقوف على حدها
8	المرتبة الثالثة : التفرغ الى معرفة المنة بها
8	المرتبة الرابعة : العلم بالتقصير في حقها
9	تحقيق الدرجة الاولى
10	الدرجة الثانية : مطالعة الجناية
10	المرتبة الاولى : الوقوف على الخطر فيها
11	المرتبة الثانية : التشمير لتداركها
11	المرتبة الثالثة : التخلص من ربقتها
11	المرتبة الرابعة : طلب النجاة بتمحيصها
12	تحقيق الدرجة الثانية
13	الدرجة الثالثة : الانتباه لمعرفة الزيادة والنقصان في الايام
13	المرتبة الاولى : التنصل عن تضيعها
13	المرتبة الثانية : النظر الى الضن بها
13	المرتبة الثالثة : تدارك فائتها

13	المرتبة الرابعة : تعميم باقيها.....
14	تحقيق الدرجة الثالثة : .....
15	خاتمة منزلة اليقظة .....
16	فهرس الموضوعات.....

